

傷寒懸解卷七

昌邑黃元御坤載著

陽明經下篇

陽明虛證

陽明從燥金化氣是爲燥土太陰以濕土主令是爲濕土脾

胃以膜相連

素問語

感應最捷胃家實則燥土司氣而濕可化

燥胃中虛則濕土主令而燥土亦化濕燥則陽明之證也濕則太陰之證也而化氣之燥究不敵主令之濕雜證濕居其九而燥不得一蓋胃家之陽實非風寒鬱爲內熱則不病也惟傷寒有胃家實證乃胃家之實者未能強半而胃中之虛

者不止十三實則始終於陽明所謂陽明中土無所復傳承
氣之的證也虛則病在陽明而陽衰氣退太陰脾藏將起而
代秉其權是名爲陽明而實則太陰無所復傳者自此而傳
變無窮四逆真武之證悉伏於此矣陽明爲陽盛之經猶且
虛實之相半況乎太陽爲三陽之終少陽爲三陽之始此將
盛方長之氣則動入三陰未可屈指也蓋脾陰胃陽勝負之
機在乎中氣臨病而不知中氣見陽明之經熱昧陽明之府
冷汗下燒鍼孟浪錯繆中氣一敗禍生不測雖胃家之實攻
泄之早猶且陽去而入陰矧胃中之虛汗下一誤有不亡神
失國而登鬼錄者哉老子有言治人事天莫若嗇醫家實嗇

中氣不肯孟浪輕泄則燥濕移易虛實貿遷金書玉訣盡在此矣

陽明虛證提綱

陽明五十一

飲食者胃家之能事也胃氣右降上脘清虛而善容受是以能食陽莫盛於陽明陽盛而土燥則胃降而善納陽虛而土濕則胃逆而不食不能食者是胃土濕而腎水寒也土剋水土性濕而水寒陽盛則土燥而剋水陰盛則水寒而侮土以腎家之寒移於土位則病中寒中寒者水勝而土負胃敗而氣逆故不能食胃主受盛脾主消剋食穀不化者脾家之弱絕粒不食者胃家之虛凡病一見不食則責陽明而不責太

陰以其受盛之失職也

陽明病若能食名中風不能食名中寒

陽明之爲病胃家實也胃實則當能食若能食者名爲中風是風中於表也不能食者名爲中寒是寒生於裏也陽明承氣之證來自中風者多能食者府中陽旺乃異日胃家燥熱之根不能食者是陽虛而中寒胃陽已不用事脾陰將司其權不得與實家之中風並論也下篇胃中虛冷與上篇胃家實也虛實相對實者陽明之始基虛者太陰之初氣也

中風瘕泄證一

陽明五十二

陽明病若中寒不能食小便不利手足濇然汗出此欲作固瘕

大便初鞭後溏所以然者胃中冷水穀不別故也

陽明病若中寒不能食土濕而小便不利手足陽泄而濇然汗出此寒氣凝結欲作堅固之癥瘕大便必初鞭後溏所以然者胃中寒冷不能蒸化水穀水穀不別俱入二腸而成泄利故也凡水寒土濕陰氣凝結瘕塊堅鞭多病溏泄服煖水燥土之劑陽回泄止寒消塊化續從大便而出滑白粘聯狀如痰涕是卽固瘕之泮解而後行者也五十七難所謂大瘕泄者卽此

四逆證二 陽明五十三

脈浮而遲表熱裏寒下利清穀者四逆湯主之

方在太陰三

若胃中

虛冷不能食者飲水則噦

水寒侮土胃中虛冷不能食者飲水則以水濟水必發噦也

胃中虛冷證三

陽明五十四

陽明病不能食攻其熱必噦所以然者胃中虛冷故也以其人本虛故攻其熱必噦

外熱內寒誤謂內熱而攻之土敗胃逆必發嘔噦

胃中寒冷證四

陽明五十五

傷寒大吐大下之極虛復極汗出者以其人外氣拂鬱復與之水以發其汗因得噦所以然者胃中寒冷故也

吐下亡陽中氣極虛而衛泄失斂復極汗出者以其人表陽

拂鬱離根外浮誤謂表邪復與之水以發其汗土敗胃逆故
作嘔噦

噦而腹滿證五

陽明五十六

傷寒噦而腹滿視其前後知何部不利利之則愈

噦而腹滿陽明之濁氣不降太陰之清氣不升也前後二陰
必有不利之部前部不利利其水道後部不利利其穀道腹
滿之病不過氣水停鬱二者而已

身痒無汗症六

陽明五十七

陽明病法多汗反無汗其身如蟲行皮中狀者此以久虛故也
氣虛不能透發鬱其皮膚故痒如蟲行也

咳嘔厥逆證七

陽明五十八

陽明病反無汗而小便利二三日咳而嘔手足厥者必苦頭痛若不咳不嘔手足不厥者頭不痛

無汗則陽氣內虛小便利則陽氣下虛經所謂水泉不止者

是膀胱不藏也

素問語

二三日後胃陽愈虛氣逆欬嘔手足厥

冷濁氣上壅必苦頭痛不欬不嘔手足不厥逆者濁氣未逆

故頭不痛

咳逆咽痛證八

陽明五十九

陽明病但頭眩不惡寒故能食而欬其人必咽痛若不欬者咽不痛

陽明以下行爲順上行爲逆胃土上逆陽氣不降浮越無根
是以頭眩表解故不惡寒胃陽未敗故能食胃土上逆肺金
壅咳則爲欬欬則相火逆衝是以咽痛不欬者相火未衝故
咽不痛

吳茱萸證九

陽明六十

食穀欲嘔者屬陽明也吳茱萸湯主之得湯反劇者屬上焦也
土敗胃逆則作嘔吐食穀欲吐者屬陽明也吳茱萸湯人參
大棗培土而補中茱萸生薑溫胃而降逆若得湯反劇者則
由上焦之痞熱非關中焦之虛寒也

吳茱萸湯

六十三

吳茱萸

洗一升

生薑

六兩

人參

三兩

大棗

十二枚

右四味以水七升煮取二升去滓溫服七合日三服

嘔多忌攻證十

陽明六十一

傷寒嘔多雖有陽明證不可攻之

傷寒經府鬱迫不能容受是以作嘔嘔緣土虛胃逆雖有陽

明裏證不可攻之也

五苓散證十一

陽明六十二

太陽病寸緩關浮尺弱其人發熱汗出復惡寒不嘔但心下痞者此以醫下之也如其不下者病人不惡寒而渴者此轉屬陽明也小便數者大便必鞭不更衣十日無所苦也渴欲飲水少

少與之但以法救之渴者宜五苓散

方在太陽
四十一

太陽病寸緩關浮猶是中風之脈而尺弱則腎氣不充其人發熱汗出復惡寒不嘔太陽表證未解而但有心下痞者此以醫誤下而成痞非陽明也如其心痞不因攻下外不惡寒而內有渴證者此是太陽表解轉屬陽明也蓋太陽之病表未解而誤下則成痞陽明之病不俟攻下而胃氣上逆壅塞膽經降路亦成痞而胃逆必嘔土燥必渴胃熱外蒸必不惡寒合觀諸證故知是轉屬陽明若其小便數者其大便必鞭然尺弱腎寒原非陽旺雖不更衣十日亦無所苦也其渴欲飲水止可少少與之但以法稍救其口舌乾燥而已緣其渴

是土濕而火升非土燥而水潤宜以五苓散泄水而燥土也

心下鞭滿證十二 陽明六十三

陽明病心下鞭滿者不可攻之攻之利遂不止者死利止者愈
心下痞者太陰之證太陰病腹滿而吐自利益甚下之必胸
下結鞭是也陽明之病而見太陰心下鞭滿之證陰盛陽弱
故不可攻之攻之脾陽陷敗利遂不止者死陽回利止者則
愈也

寒熱脈緊證十三 陽明六十四

陽明中風口苦咽乾腹滿微喘發熱惡寒脈浮而緊若下之則

腹滿小便難也

陽明中風而口苦咽乾是有少陽證腹滿微喘是有太陰證發熱惡寒脈浮而緊脈證又與太陽中風大青龍湯相似此在陽明府熱外蒸應當汗出而脈緩乃脈緊而惡寒者是衛氣外斂胃家陽虛而不能發也外有甲木之剋裏有太陰之侵而經府雙鬱不得發越陽明至此困憊極矣若復下之則遂成太陰之證腹滿而小便難也法詳下章猪苓湯一段

梔子白虎猪苓證十四

陽明六十五

陽明病脈浮而緊咽噪口苦腹滿而喘發熱汗出不惡寒反惡熱身重若發汗則躁心憤憤反譟語若加燒鍼必怵惕煩躁不

得眠若下之則胃中空虛客氣動膈心中懊憹舌上胎者梔子

豉湯主之

方在太陽八十九

若渴欲飲水口乾舌燥者白虎加人參湯

主之

方在太陽三十九

若脈浮發熱渴欲飲水小便不利者猪苓湯主

之

陽明病脈浮而緊有太陽證咽燥舌乾有少陽證腹滿有太
陰證發熱汗出不惡寒反惡熱則胃熱外發矣但有太陰腹
滿則土濕頗旺未免身重耳濕盛陽虛汗下燒鍼俱屬不可
若發汗則陽亡躁生神敗則心惛而反讖語若加燒鍼汗去
陽亡必怵惕煩躁不得眠卧若下之則陽亡土敗胃中空虛
不能隄防陰邪下焦客氣遂逆動於膈上拒格胸中之陽心

中懊懣而生瘀濁心竅於舌瘀濁在心舌上胎生者宜梔子
豉湯湧瘀濁而清煩熱也若下後陰亡渴欲飲水口乾舌燥
者宜曰虎加人參湯清金而泄熱益氣而生津也若下後陽
敗而土濕脈浮發熱渴欲飲水小便不利者宜猪苓湯二苓
滑澤利水而瀉濕阿膠潤木而清風也土濕木遏鬱生下熱
是以發熱木氣堙塞疏泄不行故小便不利木鬱風生肺津
傷耗是以發渴風氣發揚是以脈浮腹滿身重之人下之陽
敗濕增故見證如此此申明上章腹滿小便難之義

猪苓湯 六十四

猪苓

去皮茯苓

澤瀉

滑石

碎阿膠

各一兩

右五味以水四升先煎四味取二升去滓內下阿膠烱消溫服七合日三服

汗多亡陽證十五 陽明六十六

發汗多若重發汗者亡其陽譫語脈短者死脈自和者不死

汗多亡陽神敗而發譫語脈短者陽絕乃死脈自和者陽復則生此申明上章發汗則躁心憤憤反譫語之義

譫語喘滿證十六 陽明六十七

直視譫語喘滿者死下利者亦死

直視譫語陽亡而神敗也喘滿則胃逆而陽上脫下利則脾

陷而陽下脫是以皆死此推廣上章陽亡譫語之義